

նաւամատոյցի բաժնետիրական ընկերութեան...

Գրեթէ ամբողջ Եւրոպայում թրքասէր տիպերը նման են իրար. իդէականութիւնից զուրկ եւ շահագիտական աստառով ճոխացած:

Դրա հակառակ ամէն մի հայասէր անպայման մաքուր նկարագրի տէր իդիալիստ է: Հին ստած է՝ «Ասա՛, ո՞վ է բարեկամդ, կ'ասեմ, ո՞վ ես դու». խղճմտանքի ու հոգու փերեզակներից զուրս՝ կան բազմաթիւ պարկեշտ, ազատախոս մարդիկ, որոնք առնուազն շփոթուած են քեմալիզմի քաղաքակրթական փայլփրլուն bluff-ով: Ոմանց յափշտակել է Անգորայի վարիչների յանդգնութիւնը կտրել հին, կրօնապետական ըմբռնումների ու հաստատութիւնների հետ. ուրիշներին գրաւել է Սաքարիայի յաղթանակը. շատ են եւ նրանք, բարեմիտ մարդիկ, որոնք բարեխղճութիւն են համարում գէթ սպասել ձեռնարկուած րեֆորմների ելքին եւ մինչեւ այդ բարեւը են համարում առնուազն համակիր լինել:

Նորերս զուլիջերիական մի շատ պատուաւոր թերթի իմբազիր ճգնում էր ինձ համոզել, թէ «թիւրքերը փոխուած են. նրանք է՛լ արիւնարբու չեն սուղուտան պէս». ապա ուղեց իմ կարծիքն իմանալ, թէ հայ-թիւրք համերաշխութեան տեսակէտից լաւ չէ՞ր լինի արդեօք տեղական մամուլի անունից քանի մը թիւրք ներկայացուցիչներին պատուոյ ճաշի հրաւիրել: Իմ զարմանքի՞ ասեմ, թէ ապշութեան առջեւ մարդը գլուխը կորցրեց ու սկսեց երեխայի պէս թոթովել անկապ ու անիմաստ խօսքեր:

Զուլիջերիացի օրագրողը տարաբախտաբար մինակ չէ: Միամիտների ասեմ, թէ մոլորուածների մի բազմութիւն կայ, որ գիտակցաբար, թէ անգիտակցաբար որոշ համակրանք ունի գէպի քեմալիզմը, որ համարում է իդէական շարժում: Իսկական եւրոպացին, եթէ նա Արեւելքի գաղթավայրերում բրտացած եւ շառլատանացած չէ, երեխայի է նման, դիւրահաւան, բայց եւ բաց, ժպտուն առաքինութեամբ, որին կարող է խաբել առաջին իսկ պատահած թիւրքը իր մեղրածորան լեզուով, իր հաճոյակատար ձեւերով, իր արուեստակեալ bonhomie-ով:

Յետոյ քիչ չեն նրանք, որոնք Թիւրքիան ճանաչում են Պիեռ-Լօտիի վէպերով, կամ Madame Golis-ի ու Temps-ի Պոլսի քաջածանօթ թղթ. Ժան-Տիգօնի յուլածներով հեշտութեամբ ընկնում են մոլորութեան մէջ: Կայ եւ եւրոպական ամբոխը, աշխատաւոր մարդկանց, մանր խանութպանների, ծառայողների գորշ բազմութիւնը, որ ամէն օր վաղ առաւօտ դործի է շտապում եւ մետրոպօլիտէնի կամ տրամուայների մէջ շտապով աչքի է անցնում լուսաբացի թերթը, կարդում է լուրերը Արեւելքից, «Մուստաֆա Գեմալ յաղթական»...

«Թիւրք հանրապետութիւն»...

«Սուլթան գահընկէց ու վտարանդի. եւրոպական կարգ ու սարք. ֆէսերը՝ փոխած, կանայք — թիւրք կանայք — հարէմից զուրս ելած առանց քողի, կարճ ժիւպերով, ու dausing-ներում օրօրուելիս տղամարդկանց հետ եւայլն, եւայլն»...

Բոլոր այս ընթերցումներից միշտ մի բան մնում է:

Այսպիսով կաղմուած է մի հասարակաց կարծիք:

Եւ ինչպէս որ արեւի տակ ազնիւ տեսակի կենդանիների կողքին թռնաւոր խժ ու զեռուն տեղ ունին, այդպէս էլ ամբոխները մշուշապատ մտածումների մէջ յաճախ արդարագոյն դատերի՝ կողքին արտառոց ու վանիչ երեւոյթներ հովանաւոր ու ջատագով են գտնում: Աշխարհահռչակ ոճրագործ Լանդրիւի օրինակը հասարակական պսիխոլոգի մի շմեցուցիչ փաստ է. երբ այս հրէշը—որ տասներկու կին էր գայթակղեցրել, ապա սպաննել ու վատել — Վերսալում դատապարտուեց մահուան, շատ բարձր դասի կանայք — որոնք շարաթներով ներկայ էին դատաւարութեան ամէն օր — վըշտից ուշաթափուեցին: Լանդրիւն, մարդակերպ այդ դադանը վաստակել էր այս փափկասուն տիկնանց համակրանքը շնորհիւ իր պաշտպանութեան արտասովոր ճարտիկութեան:

Ինչո՞ւ զարմանալ, որ Սաքարիայից մինչեւ Զափուռիա յոյն բանակը հալածող և անդամ Դաշնակիցներին սպառնացող թիւրքը որոշ համակրանքի զգացմունք է դարթեցրել միամիտ